

華東民俗文獻 第二十六卷

中國華東文獻叢書

中國華東文獻叢書·第四輯

華東民俗文獻

第二十六卷

甘肅省古籍文獻整理編譯中心
中國華東文獻叢書編輯委員會 編

甘肅省古籍文獻整理編譯中心重大整理項目

本輯主編：田兆元

本輯副主編：吳平 李善強

參加編輯人員：雷偉平 楊茜 吳麗麗 馬佳

王菲 劉捷 姜南 陳文軍

饒曉敏 楊曼 錢婷婷

本卷目錄

山東考古錄	〔清〕顧炎武撰	〇〇三
山左筆談	〔明〕黃耀淳撰	〇七一
山東廟會調查	〔民國〕山東省立民衆教育館出版	〇九三
山東鄉土教本參考書	〔民國〕祈錫培編	二一三
泰山小史	〔明〕肖協中撰	二八九
濰縣鄉土志	〔清〕宋朝楨修	三九七

【清】顧炎武撰

山東考古錄

《山東考古錄》，顧炎武撰，清光緒八年（公元一八八二年）山東書局重刊本。未見底本，可與《續山東考古錄》（清葉圭綬撰）互見。

顧炎武（公元一六一三至一六八二年），江蘇崑山人。本書爲顧炎武遊歷山東時所作，前無序，後無跋，全書雜考山東各地掌故，內容駁雜，包括地理、物產、信仰、傳說、奇聞軼事等，其中有關泰山的掌故頗多，並錄有唐代敕書及元代聖旨。

光緒八年七月

山東考古錄

山東書局重刊

山東考古錄

山東考古錄

崑山顧炎武寧人著

華不注解

華不注伏琛三齊記云不音跗讀如詩鄂不韡韡之不謂花蒂也言此山孤秀如花跗之注于水也按詩箋云承華者鄂不當作跗鄂足也疏云華下有鄂鄂下有跗也古音不跗同左傳成公十六年有韡韡之跗注註云韡韡戎服若袴而屬于跗與袴通疏云自腰以下而注于腳當是古人有此語耳

辨靡笄

齊乘華不注亦名靡笄山非也左傳云從齊師于莘云六月壬

申師至于靡笄之下云癸酉師陳于鞏曰逐之三周華不注曰丑父使公下如華泉取飲其文自有次第鞏在華不注之西而靡笄又在其西可知金史長清有靡笄山

考古地里

戰于鞏與三周華不注同是一日計不甚遠而穀梁傳曰鞏去國五百里者據公羊傳注古六尺爲步三百步爲里今以三百六十步爲里而尺又大于古四之一今之六十二里遂當古之百里今歷城至臨淄正符此數孟子千里而見王以今計之自鄒至齊亦不過六百里也 後漢書耿弇與張步戰于臨淄東城下追至鉅昧水上八九十里僵尸相屬今臨淄至鉅昧水亦

止六十里耳

考五帝

華不注山下有廟內安五帝像及主而書其主曰青帝勾芒氏
赤帝祝融氏白帝蓐收氏黑帝玄冥氏其中獨無黃帝不知何
人所爲歷城志云舊爲華陽宮嘉靖十一年巡撫袁宗儒改爲
崇正祠提學陸鉉記祀逢丑父閔子騫兩廡祀鐵鉉等二十二
人黃福等十九人今廢仍爲華陽宮祀四季之神稱爲四季尤
不可解按禮記月令春其帝太皞其神勾芒夏其帝炎帝其神
祝融季夏其帝黃帝其神后土秋其帝少皞其神蓐收冬其帝
顓頊其神玄冥此五帝與五行之官各自爲神文義甚明家語

季康子問于孔子曰舊聞五帝之名而不知其實請問何謂五帝孔子曰某也聞諸老聃曰天有五行水火金木土分時化育以成萬物其神謂之五帝古之王者易代而改號取法五行五行更王終始相生亦象其義故其生爲明王者死而配五行是以太皞配木炎帝配火黃帝配土少皞配金顓頊配水康子曰太皞其始於木何如孔子曰五行用事先起于木木東方萬物之初皆出焉是故王者則之而首以木德王天下其次則以所生之行轉相承也康子曰吾聞勾芒爲木正祝融爲火正蓐收爲金正玄冥爲水正后土爲土正此五行之主而不亂稱曰帝者何也孔子曰凡五正者五行之官名五行佐成上帝而稱五

帝太皞之屬配焉亦云帝從其號昔少皞氏之子有四叔曰重曰該曰修曰熙實能金木及水使重爲勾芒該爲蓐收修及熙爲玄冥顓頊之子曰黎爲祝融共工氏之子曰勾龍爲后土此五者各以其所能業爲官職生爲上公死爲貴神別稱五祀不得同帝今乃合之爲一豈非并月令家語而未之見者乎

考歷山下大澗

昔之守濟南者以澗爲固元史史樞傳李璫叛據濟南樞從父天澤往討之城西南有大澗互歷山樞一軍獨當其險夾澗而陣董搏霄傳賊眾自南山來攻濟南望之兩山皆赤搏霄按兵城中先以數十騎挑之賊悉來鬪騎兵少卻至澗上伏兵起遂

合戰城中兵大出大破之今其遺跡不復可考志書亦不載此
二事

考靈巖寺

靈巖在宋時爲山東名刹士大夫來者往往與寺僧酬和迄今
幾五百年屢經兵火而石刻之存者尙有數十可以想見當時
之盛自金之末年遂爲屯兵之地金史侯摯傳摯行省事于東
平權本路兵馬都總管請駐兵于長清之靈巖寺有屋三百餘
間且連接泰安之天勝寨萬一兵來足相應援元史嚴實傳泰
安張汝楫據靈巖遣別將攻長清實破走之此皆一方大事而
志不之及卽石刻僅錄十之一而近年之亂多爲人取用不存

良可惜也

古時帝王巡狩東嶽大抵自兗州而東唯唐高宗自齊州而南
舊唐書本紀麟德二年十二月丙辰發靈巖頓至泰山下

考鐵

漢時濟南爲產鐵之地後漢志言東平陵有鐵歷城有鐵又韓
稜傳肅宗賜陳寵寶劍曰濟南椎成注椎直追反漢書作鍛成
是不惟產鐵又出名劍今府學之鐵牛靈巖寺之鐵袈裟皆鐵
之精英發見于地上者也

考竹

北方古稱多竹之地有三淇渭汶史記河渠書下淇園之竹以